



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

§. 1. Iouis in taurum mutati fabula, in Rege Nabuchodonosore historia facta.

urn:nbn:de:hbz:466:1-45686

noslet, ne quis pereuntium miseratione tangeretur. Ita volebat omnem memoriam nefandorum hominum ex animis sanctorum & purorum deleri. Ita demonstrabat, adeò execrandoS Sodomitas, vt Lot, & familia eius, ne de supellecili quidem, aut domo, ceterisque bonis suis vnà cum impia vrbe conflagrantibus cogitare, aut dolere deberet. Nam sic etiam Christus iussit Apostolos excutere puluerem de pedibus in eos, qui Euangelium auerfarentur, vt hoc signo manifestum facerent, se cum tam nefarijs hominibus nihil, ac ne puluisculum quidē velle habere communem. Ita denique non solum Deus Sodomam relinquentibus occasionem dedit, vt nullum in illis penitentiae signum, quale est respicere, videretur; sed etiam, vt instantē incendio quām citissimè fugerent; sicut ē domo fugiunt homines incendio iam illam depopulante. Hoc vos ergo monstrosa vxoris Lot statua docet, o iuuenes, detestari, fugere; &, si fugitis, non respicere mundum & vanitates eius Auernali incendio proximas. Hoc vos docet, o peccatores, statua salis, deserere malorum horrore præterita, ac neque oculis, neque mente respicere ad prætinas illecebras: denique iudiciorum Dei, cum timore ac tremore meminisse.

CAPVT LVI.

Quantum ex rege Nabuchodonosore, & ob que peccata, monstrum factum fu?

I.

Hactenus pœnam minùs atrocibus peccatis monstritate repositam palam fecimus: nunc maioris monstri maiora delicta prodigiosè punita ē diuinis litteris producemus. Apud Poëtas, monstrum ingens erat Inachi filia Io in iuueniam mutata; & grandius Iuppiter ipse, qui illum fingitur mutauisse. Nimirum.

Ouid. lib. 1.

Mét.

Idem. lib. 2.

Met.

*Sceptri granitate relicta**Ille pater rectorq; Deūm, cui dextra trisulcis**Ignibus armata est, qui nutu concutit orbem,**Induitur faciem tauri, misitusq; iuuenis**Mugit, & in teneris formosus obambulat herbis.*

Formo-

Cap. LVI. Nabuchodonosor quale, & cur factus sit monstrum? 781

Formosus fué fuerit Deus, &c, vt fingitur supremus Deorum, in taurum abiectus, nemo est, qui credat; immo nec rem ipsam credimus. Fabulae, apinæ, tricæq; saperdarum. Vera audite, de magno rege, qui seipso, *omnibus populis, gentibus & linguis*, qui habitant in uniuersa terra, scribit: *Ego Nabuchodonosor qui quietus eram in domo mea, & florens in palatio meo; narratq; fatidicum calamitatis suæ somniū, in quo audivit vocem Angelī fortiter clamantis: Alligetur vinculo ferreo & areo in herbis, quæ foris sunt, & rore cali tingatur, & cum feris pars eius in herba terra. Cor eius ab humano commutetur, & cor feræ detur ei: & septem tempora mutentur super eum.* Quæ hæc mutatio? quod somnium? Hæc est interpretatio sententia Altissimi, quæ peruenit super Dominum meum regem, ait Daniel. *Ejcent te ab hominibus, & cum bestijs ferisq; erit habitatio tua, & fænum ut bos comedes, & rore cali infunderis: septem quoque tempora mutabuntur super te, donec scias, quod dominetur Excelsus super regnum hominum, & cuicunque voluerit, det illud.* Omnia hac venerunt super Nabuchodonosor regem, &c. Et ex hominibus abiectus est, & fænum ut bos comedit, & rore cali corpus eius infectum est; donec capilli eius in similitudinem aquilarum crescent, & ungues eius quasi animalium.

Hæc quanta regis fuit metamorphosis? Cor eius ab humano in cor feræ commutatur, & ex sapiente fit amens. Pro torquibus, armillis, & annulis, vinculo ferreo & areo alligatur. Quando enim in amentiam versus cœpit delira fari, atque insanire, mox ne sibi & alijs noceret, compedibus astrictus fuit, manicisq; vincitus & inclusus. Deniq; autem monitu Danielis solitus compedibus, ex regia domo, & palatio suo, in quo floruerat, aufugit in silvas, retentis manicis ferreis in manus, ne illæ coniungi possent, ne uere ijs vteretur ut homo, sed vt illis disiunctis reperet ad herbas more bestiarum. Idcirco enim dicitur: *Alligetur vinculo ferreo & areo in herbis.* Itaque, qui erectus antea incedebat, postea deiectus coactus est repere; qui priùs sub auratis tectis habitabat, postea debuit manere sub Ioue frido; qui priùs tot satrapas & magnam aulicorum turbam coronamq; habuit circumstantem, iam in-

Fffff 3 ter cer-

II.